

**698** Dô wart ouch si nâch jâmer var,  
 ir sûezer munt meit ezzen gar.  
 si dâhte: »waz tuot Bene hie?  
 ich hete iedoch gesendet sie  
 5 ze dem, der dort mîn herze tregt,  
 daz mich hie gar unsanfte regt.  
 waz ist an mir gerochen?  
 hât der kûnec widersprochen  
 mîn dienst unt mîne minne?  
 10 sîne getriwe, manliche sinne  
 mugen hie niht mêr erwerben,  
 wan dar umbe muoz ersterben  
 mîn armer lîp, den ich hie trage,  
 nâch im mit herzelicher klage.«  
 15 Dô man ezzens dâ verpflac,  
 dô was ez ouch über den mitten tac.  
 Artus unt daz wîp sîn,  
 vrou Gynover, diu kûnegîn,  
 mit rîtern unt mit vrouwen schar  
 20 riten, dâ der wol gevar  
 saz bî werder vrouwen diet.  
 Parzivals antvanc dô geriet;  
 manege clâre vrouwen  
 muoser sich küssen schouwen.  
 25 Artus bôt im êre  
 unt dankte im des sêre,  
 daz sîn hôhiu werdeheit  
 wære sô lanc unt ouch sô breit,  
 daz er den prîs vûr alle man  
 30 von rehten schulden solte hân.

si gedâhte: \*T  
 nû het ich doch g. sie (die I) \*G (\*T)  
  
 m. doch hie (ie I) u. \*G \*T  
  
 kûnec versprochen \*G (\*T)  
  
 getriuwen (gütlich V), \*T  
  
 wan daz m. e. (ersterber Z [\*]: drvmbe ersterben V) \*G \*T  
  
 dô man des (daz L) e. v. (dâ verpflac \*T), \*G (\*T)  
 ouch om. \*T  
  
 Parzival enpfâhen dô g.; ↓\*G · Parcifals entvâhen g. ([\*]: do geriet V); \*T  
  
 im des vil s. (des [imm\* vil sere]: imme sere V), \*G \*T  
 Versfolge 698.29–30–27–28 \*G (ohne Z) \*T · unde daz \*G (ohne Z) (\*T)  
 was sô l. unde sô breit. \*G (ohne Z) (\*T)  
  
 solde hân \*G (\*T)

---

\*D: D \*m: m Fr69 (698.13–18) \*G: G I L Z \*T: U V

---

1 Initiale D G I Z 3 Initiale L 15 Initiale Fr69 U V · Majuskel D 17 Initiale I

---

5 dort] doch \*m 6 daz mich hie gar unsanfte reget, \*m 7 daz ist an mir gerochen. \*m 12 dar] daz dar (des m) \*m 15 dâ] om. \*m (nur m) 16 dô (Da m) was ez ouch wol mitter  
 tac. \*m 19 rîtern] ritter \*m 22 Er hat werdes gegen biet L 28 was sô lanc und breit, \*m